



I ladins ti pëta bëgn cater iadi l'ajëi al Sest, che resta cun les gaiofes ötes dan le publich de ciasa.

Bele da cotan de partides à la formaziun da La Val chirì ince indo la devènta fora de ciasa y l'ultim fin dl'edema era garatada sòn le ciamp dl Sest, apèna delibré dala nei. Do la devènta dl fin dl'edema da denant cuntra le Valdaora se presentèia i ladins te ciamp cun na marcia inplö y anuzèia bun les ocasiun por castighé a dovèi.

Le Sest mèt man cun plö convinziun y drüca zeruch i ghesc da La Val. Plö de n iad manacia i atacanc de jí in vantaje mo ne concretisèia nia dan porta. Le sterch capitan dl Sest fej le jüch y partèsc fora bun i palês ai cumpagns. Do avèi studié jö les posiziuns di avversars anuzèia i ladins la lerch amez por tigní alt le palé y avanzé cun düta la squadra. Al 10^a la pröma gran ocasiun: Alex E. crossèia amez por Franz che röia a dèrt mumènt a rebat le palé de ce, indere cuntra le pé bass de porta. Dal'atra pert ti sciampa Max al defensur y preparèia amez por Alexander, che é de püch plö inant y ne röia insciö nia ala trata. A sbloché le resultat pènsa spo le duo defensif Sottara – Dapoz: ala trata de puniziun püch dan le pröm temp crossèia Werner amez por le zentral Christian che cordinèia la trata al jore por le vantaje ladin.

Le prüm tēmp se stlūj jō cun le vantaje dl La Val por 1 a 0.

Al mēteman dla secunda pert pordūj i avversars apēna a fa i prūms vari te ciamp che le resultat sta bel 2-0. L'atacant Alex E. é chilò le plō asvelt y anuzēia la debla passaja dl defensur zeruch al portier por spizuré la cogura te porta. Sciöche do na duscia frēida se inciurnesc fora i sogadus de ciasa y mēt man de pressé dassēnn i ladins. Chësc ti gareta ince y bele al 60[^] rōia le palé alt amesa area daulache le capitan Watschinger deviēia de ce sura le portier Sepl por le 2-1. La partida se fej tres plō interessanta y i scrais dl publich influenzēia de plēgn les dezijiuns dl'arbiter jonn, che perd bel plan le control y se fej speté sôt dala nervosité. Val menüc plō tert, avisa al 66[^] pēia ia le sogadú amez Franz sú cuntra porta y dal piz dl'area veghel na trata sēcia, a chēra che l'un dl Sest mēss se destrà por devié, l'atacant Alexander é daimpró y rōia a dērt mumēt por apogé le palé te rēi. Ater co tra le flé, la partida devēnta tres plō cialda y por vigni fal sciuré cuntra le Sest da pert dl mandl fosch se ciafa chësc na ciuvíra de insulc da pert dl publich y dai sogadusc instësc. La Val anuzēia chësc marcé por stlū jō la partida, al 83[^] menüt é indo Franz cun le palé al pé dan porta, pūch daít dal'area de jūch musūra chesc sōn le pé lunch de porta y fej ruvé le palé avisa ailò. A pūc menüc dala fin pó sēgn i ladins trà le flé. Na devēnta miritada cun en resultat tlēr che respidlēia l'alenamēt miré dl'alenadú Hilber tratan l'edema passada. Indo n iade é la forza de grup stada maiú co la prestaziun dl singul y fundamentala por porté a ciasa trēi punc d'or.

Sest – La Val : 1 - 4

Formaziun La Val: 1. Sepl Kantioler, 2. Marco Sottara , 3. Werner Sottara, 4. Paolo Vallazza, 5. Christian Dapoz, 6. Michele Campeï, 7. Max Nagler (dal 86^ Felix Nagler), 8. Franz Tolpeit, 9. Alexander Miribung (dal 88^ Martin Ploner), 10. Stefan Sottara – capitan (dal 80^ Egon Frenes), 11. Alex Elzenbaumer

Goi por La Val: Christian D. al 42^, Alex E. al 46^, Alexander M. al 66^ y Franz T. al 83^

Proscima partida: *La Val süga en duman sabeda ai 21 de auri dales 16:00 te ciasa cuntra le Vintl*

Atri resultat:

Juniores Pool (Mareo/La Val/Rina): Stegen – Mareo 2-1

Altherren (La Val): Schabs – La Val 2-1

U-15 (La Val): La Val – Mareo 0-4

U-12 (La Val): La Val – Team 4 brüm 0-8

U-9 (La Val): Falzes – La Val 1-0